

隆昌縣志卷三十九

風俗

古者太史輶軒問俗陳詩以觀民風周官小行人適四方集萬民之禮俗與政事教治刑禁共爲一書漢時亦有黃車使者詢采風俗凡以政教出於上斯風俗成於下觀風俗而政教之得失可知也隆邑士固窮而競於文民尚勤而力於穡我國家大化翔洽仁漸義摩行見士習民風益蒸蒸日上矣志風俗

隆昌縣志

卷三十九

風俗

七十

士習

儒林敦樸競習詩書

民風

閭閻尙勤力於稼穡

農事

每歲驚蟄後浸稻種遲亦不過清明栽秧至芒種止立秋後十日便收穫諺云秋前十日無穀割秋後十日滿冲黃

女工

女有餘布以綿花苧麻爲之

工役

貧民無恒產者挑煤多半是生涯

商賈

產皆常物故無巨商

飲食

富者以稻爲主貧民菽麥稷粟玉麥皆食之梁多以釀酒

衣服

隆昌縣志

卷三十九

風俗

七十一

布稱便遵常制

嗜好

隆邑近年落業者與土著同而籍隸楚閩粵居多生齒日繁習尙亦異畢雨箕風不能一致

冠婚

婚姻媒妁既可止憑柬帖往來貧者多小接俟成人方婚配謂之團房若素豐之家仍如禮惟親迎不行耳

喪祭

喪葬搢紳之族必請貴顯者題其木主以白布遍給弔者爲有力其貧者親鄰助薪米錢帛謂之孝友會若用僧道作超薦佛事此又習俗之相沿也音樂則循乎其分

祈禳

民以食爲天祈年祈穀農事也縣北有龍王洞高數丈下有深潭祈雨輒應俗用僧道設醮以禳災城市皆然至有疾病者以巫祈禳亦蜀之積習也
正月立春

隆昌縣志

卷三十九

風俗

七十二

此日宜晴俗云但得立春晴一日農夫耕田不用力

元旦

男女皆早起肅衣冠陳香燭牲饌果酒於庭拜天地家神祖先卑幼拜尊長名曰拜年爆竹開門向吉方拜禱名曰出行自是沿門投刺名曰賀新年至十五日取門錢綵勝焚之名曰燒門錢紙

元肖

十五爲傳柑節又爲上元道家以此爲天官賜福

辰入夜燃燈祀天地家神及鼓樂迎紙彩各家張燈名鬧元宵

二月

爲踏青節開春釀招賓宴飲互相酌答謂之春酒是日種瓜蔬

十五

爲花朝又爲勸農日此夜不宜雨按花朝古無定日洛陽紀爲二月二日事文玉屑二月十二日提要錄云唐以二月十五日御製花朝詩賜裴尙書

隆昌縣志

卷三十九

風俗

七十三

今京師亦主十五日

春分

分植花木宜雨

春社日

立春五戊爲春社各鄉祀后土名社會農家於此五日不動土謂禁五戊以謝地

三月三日

爲上巳辰士民祓除不祥時爲曲水流觴之飲諺云田家無五行水旱聽蛙聲上晝叫上鄉熟下晝

叫下鄉熟終日叫上下皆熟又云流在石上流桑
葉好農牛癸辛雜識云上巳當作十干之巳古人
用日倒用干如上辛上丁上戊之類無用支者沈
約宋書云魏以後用其用支三日不拘於逢巳也
觀張詩暮春三月逢三日魏元忠詩三月重三日
可據

清明

祭先祖拜掃墳墓前後十日男女皆出郭提壺掛
紙錢設祭墳上農家浸種宜清明

隆昌縣志

卷三十九

風俗

七十四

穀雨

宜雨或春寒穀種難生至此無不浸種者

四月立夏

晴主旱起東風穀熟人安諺云立夏不下農家莫
耙

五月五日

爲天中節俗曰端陽節家家飲菖蒲雄黃酒插艾
葉菖於門簪葉裹糯米粽相餉曰解糉遊效外取
百草煎湯澡身口辟毒古謂是日爲惡日生子不

舉今不復忌按角黍之設龍舟競渡弔屈平楚俗也蜀楚接壤俗亦相似今則天下皆然

小滿

立春至此分秧忌晴諺云小滿不滿芒種不管此後刈二麥種

芒種

值辰巳日有雨多蝗後半月謂之禁雨天諺云梅裏一聲雷雲裏一陣雨爲迎梅雨主旱又諺云梅裏寒井底乾

隆昌縣志

卷三十九

風俗

七十五

夏至日

宜雨諺云夏至見青天有雨在秋邊又云夏至無雲三伏熱農家於是日浚井取水

六月六

爲天貺節鍼炙取藥曬書畫衣物凌辰汲水存作醬醢製六麩浴猫犬等類

小暑日

逢雨謂之倒轉黃梅主水

伏日

作湯餅食之名爲辟惡西北風主秋稻秕冬冰堅
諺云伏裏西北風臘裏船不通不嫁娶擇日造醬
七月立秋

立秋宜晝諺云睜眼秋收又收閉眼秋丟又丟值
小雨吉

處暑日

宜雨諺云處暑若還天不雨縱然結實也無收
七日

俗稱牛女會期婦女綵縷穿七孔鍼陳瓜果於庭

隆昌縣志

卷三十二

風俗

七十六

曰乞巧以蟠子網瓜上爲得巧

望日

爲中元節俗稱鬼節浮屠氏設盂蘭會以薦亡者
道家以此日爲地官設罪之辰邑民多陳酒饌包
楮錢祭祖考曰燒賻子

八月白露日

是日不宜雨稻沾之粘粃蔬沾之味苦

秋分日

宜小雨天陰東南風歲稔民安若東北西南風王

稻粃宜在社前諺云分後社穀米遍天下社後分穀米上錦墩龍淵潛祀先於家

秋社日

立秋五戌爲秋社俗稱土地誕奉祀維謹清晨用磁器收百草頭上露磨濃墨治病

望日

爲中秋節以瓜餅藕相餽設酒食賞月婦人相率入園探瓜以得瓜爲美璋兆曰摸秋

九月九日

隆昌縣志

卷三十九

風俗

七十七

爲重陽節佩絳囊簪菊花登高飲茱萸酒婚媾家餽棗糕造重陽酒採菊置酒甕中

霜降日

農人滌來耜藏於室製萸謂之艾油供養老人備禦寒具收皂角木瓜種蠶豆蒜芥

十月朔

製紙衣冠履禱祖墓化之謂之送寒衣蒸糯米擣糕飯牛謂之酌力兼餽親友焉

立冬日

西北風來年大熱諺云冬前霜多來年早稻好冬
後霜多晚稻好農人每以斗量米有米落斗外主
來歲米價昂

小雪日

宜見雪不聞雷

十一月

宜有風雨

大雪日

不宜值朔

隆昌縣志

卷三十九

風俗

七十八

冬至日

日南至景漸長故曰長至祀先於家士拜師卑幼
拜尊長曰賀長至

十二月

俗稱臘月宜雪諺云若要麥臘月見三白按禮傳
夏曰嘉平殷曰清祀周曰大臘秦月臘臘者獵也
田獵取獸以祀其先也或曰臘接也新故接大祭
以報功也王者各以行盛日爲臘故漢臘以戌魏
以辰晉以丑自是以後率以冬至後三戌日爲臘

當在十二月故稱臘月

八日

煮糯米五色豆及枣栗等物爲糜亦有合鷄豬魚肉者曰臘八粥祀神及先舉家食之亦古臘祭之意也或曰是日釋氏謂之浴佛節寺僧煮粥結緣俗因之

大小寒日

忌風雨

二十四日

隆昌縣志

卷三十九

風俗

七十九

爲王侯臘俗稱過小年至昏時鄉人束草於竿燃之遍走田間灑掃屋宇燃竈上鍋燈俗云送竈神上天先數日僧道送年疏並司命竈食曰團年伯叔兄弟以次招集亦有用二十三

除夕

自二十四日至三十日皆祀先俗名過年日中闔家飲食邀至親曰喫年飯親友往來曰辭年貼門神掛五色紙諸綵勝於戶燃燈於牛馬廐豬欄雞栖等處更燒蒼朮以避瘟注冰於甕飲食男女圍

爐達旦曰守歲鄉間多木柴樹門外曰有財

鄉飲

皇清郭儀

字昭陽歲貢生官蓬州訓導乾隆十九年邑令
于中行奉文舉爲上賓

程學愚

邑廩生乾隆十九年舉爲介賓

劉文林

邑耆民乾隆十九年舉爲衆賓

隆昌縣志

卷三十九

風俗

八十

郭垣

字三千康熙甲午舉人官夔州府教授乾隆二
十年邑令于中行舉爲上賓

郭玉巒

邑貢生成豐二年邑令張敏行舉爲上賓